

籌辦夷務始末

卷二十一之二十二

籌辦夷務始末卷之二十一

道光二十一年辛丑正月丁酉。

諭內閣。著派賽尚阿。馳驛前往天津。及山海關一帶。會同訥爾經額。查辦礮臺事宜。

諭軍機大臣等。現在喫夷在廣東日肆猖獗。已授奕山為靖逆將軍。隆文。楊芳。為參贊大臣。馳赴剿辦。著錢寶琛。梁章鉅。各於該省揀選大礮數十尊。試放有準。一俟奕山等飛調。即行迅速解往應用。如舊礮難資得力。或不敷應用。即著督匠迅鑄銅礮數十尊。約重三千斤為率。俾資輕捷而利施放。毋得遲誤。

又

諭現在剿辦。喫夷。必須厚集兵力。著惟勤於吉林。派兵一千名。棍楚克策楞於黑龍江。派兵一千名。牛鑑於河南省。派兵一千名。富呢揚阿於陝西省。派兵一千名。瑚松額於甘肅省。派兵一千名。妥為預備。一俟有諭旨調遣。即迅速派委。曾經出師之得力將弁。管帶啟程。毋得遲誤。

署直隸總督訥爾經額奏。竊查天津大沽海口。南與山東海豐縣毗連。北與永平府山海關通達。袤延寬廣。路徑紛歧。上年該夷船曾經往來遊奕。瞬屆東南風司令。難保不揚帆北駛。必須慎之又慎。水陸交防。臣自抵海口。日與鎮道營將。悉心籌計。凡濱海地方。但有可以通船上岸。及我

兵可以藏身暗伏。相機制敵之處。均經詳加考查。正在核辦間。承准軍機大臣字寄。道光二十一年正月。初三日。奉上諭。本日。據琦善馳奏該夷不候回文。直撲虎門開砲。我兵回攻。無分勝負等語。沿海各省地方。必應加意防範。著各該將軍督撫等。謹遵前旨。遴選弁兵。防守要隘。如有夷船闖入。即行相機剿辦。不可稍行畏葸。致誤事機等因。欽此。欽遵。臣惟有殫心竭慮。嚴密布置。以期慎固封守。查該夷之四出滋擾。全賴與

沿海奸商。交通貿易。於是米穀牲畜。不虞缺乏。必先斷其接濟。絕其淡水。使之水米無資。容身無地。攻剿自易為力。茲查天津大沽海口。南北兩岸。現計前存後調各營官兵。

共八百三十六名。擬於南岸駐兵五百名。派天津鎮陳金綬。督同葛沽營遊擊經文岱。守備常善。及千把總等守禦。北岸駐兵三百三十六名。派署務關路參將羅應鵲。督同署大沽營守備李文治。及千把總等守禦。甯河之北塘海口。先後調天津鎮標兵三百五十名。派宣化鎮石生玉。督同蘆臺營都司林策勳。寶坻營都司管德聲。及千把總等守禦。並逐日演放礮位。務期一律精熟。其自大沽海口迤南。至山東海豐縣交界止。內滄州之初口。滄州鹽山連界之趙家溝鹽山之狼坨子。與山東海豐縣接壤之各港汊。潮長之時。或寬二十三丈。或寬八九十丈。該夷三板小船。

儘可徑達。且易於登岸。亟應設防。擬於初口。趙家溝。狼坨。子三處。各派天津鎮標兵一百名。揀派備弁。分帶鳥槍。礮。並發去五百斤神威無敵礮六位。暗伏嚴防。該夷或敢進口登岸。即令迎擊兜撿。仍於各處添設馬撥。以便往來馳報。得以聲息相通。又自北塘海口迤北。至永平豐潤縣屬止。內黑沿子港。以較寬。該夷上年曾駕三板船登岸。屢次買食。暨黑洋河。潤河等處。皆屬濱海港汊。現在調派遵化營兵一百名。由馬蘭鎮遊擊管帶。黑洋河。潤河二處。各派豐潤。玉田營兵五十名。由豐潤。玉田都司分帶。駐守巡防。仍於各處安設馬撥。以通文報。至永平府臨榆縣屬之

石河口。暨秦王島兩處海口。附近山海關。最為緊要。已安駐山永三屯。兩協兵五百名。嚴行防守。其餘撫甯縣屬之洋河。昌黎縣屬之狼窩。樂亭縣屬之臭水溝。清河口。灤州所屬之劉家河等五處海口。即將前調提標兵八百名。均勻派駐。以資守衛。其沿海可以登岸路徑。實有若干處。已飭委保定府同知張起鵠。開州協副將向榮。前往詳細查明。酌量籌辦。如應添兵巡守。再行酌量調遣。至該夷航海而來。道遠人多。淡水食物。必資內地接濟。而奸商貪利。恣其取攜。事所不免。查大沽海口。出入船隻。有本地之商捕船。江浙之沙船。閩廣之洋船。沙船洋船來直。皆在夏秋之

間。商捕船則自開河以後。即行出口。每年奉省米豆攸關。正賦。歷係籤派該船戶往運。即直隸民食。亦賴其販運接濟。勢難遽行禁絕。但嘆夷橫擾海上。若不設法防範。即使該船戶等不肯通夷。豈能保該夷之不行搶劫。擬於採無夷蹤之時。仍聽出入。稍有信息。該船未出口者。嚴禁出口。在奉省者。截留奉省。現在出示剴切曉諭。並分咨所到省分。查看情形。隨時截留。庶不致轉齎寇糧。若本地網船大半捕魚窮民。水米偷運。尤所宜防。已飭沿海州縣嚴密稽查。如有夷船北來消息。概不准其出口。查有與該夷淡水一勺。食物一合者。以從逆論。至火攻之具。毒流之藥。凡可

以制其命者。均當設法廣為置備。以待臨時施行。萬不敢稍有玩忽。

諭軍機大臣等。寄諭署直隸總督訥爾經額。據奏籌防海口情形一摺。覽奏均悉。所有安置礮位。及斷絕接濟。添設馬撥等情。辦理尚屬周到。惟覺兵力單弱。著將前次所留一半兵丁。仍准其調撥。以資分堵。提督劉允孝。即日可到。著該署督會同該提督飭令石生玉。陳金綬等。巡查要隘。督率兵弁。認真防守。並將沙墩土壘。妥速辦理。所安礮位。試驗有準。即無須日日演放。虛糜火藥。礮位愈多愈好。直隸各鎮所設。有非急須應用者。即著遣員調取。或須添造之處。著仍遵昨降諭旨。督匠興造。毋稍遲誤。

天津為近畿咽喉要隘。大礮務宜多設。以壯聲威。即山海關亦應分置礮位。藉資守禦。昨曾降旨。飭令將沙墩土壘堆砌試驗。茲特派賽尚阿。馳赴天津。會同該署督。自天津至山海關一帶。於各海口如何安放礮位。堆砌沙墩土壘之處。辦理妥協。繪圖貼說呈覽。

山東巡撫托渾布奏。竊臣於上年十二月間。承准軍機大臣字寄。欽奉

諭旨。倭夷在粵。益形桀驁。

敕下沿海各省。痛加剿創。當將籌備大概情形。附片陳奏。拜摺後。

兩奉

諭旨。諄諄

訓誨。仰

聖謨之深遠。益感悚而思奮。連日復與所屬文武。悉心計議。預籌戰守之策。查東洋遼闊。無險可憑。登州府城。傍海為垣。夷船直可駛近水城。次則該府所屬之榮成縣。亦逼近海口。形勢較險。其他孤懸海外之島嶼。不下數十處。賊匪闖入。處處皆可侵擾。必使夷船不敢駛入內洋。然後濱海之城池可守。必使夷破不能轟及城垣島岸。然後內地之藩籬克固。是他省皆守易於戰。東省則戰守並重。夷人所恃。船堅礮烈。我以礮擊賊。不能一發即中。則礮雖大無所用。賊

以礮攻我。不能多方以避。則兵雖多而不足恃。臣以登州府現雖貯有一二千斤大礮。尚恐臨敵不敷應用。擬再添造二三千斤大礮十餘位。以資攻擊。業已籌款覓匠。飭令試鑄。惟東省水路并兵。於數千斤大礮。皆未練習。倉猝試放。多不應手。現雖責成各將備。不惜火藥。多方練習。惟製造之工匠。既無經歷之人。教練之將官。亦無傳授之法。查德州營參將尚五德。由正黃旗漢軍兵丁出身。據稱曾見該旗漢軍礮營。所存數千斤銅礮。製法精工。其礮雖重。旁有礮車。移動便捷。礮兵亦多諳練之人。施放有準。查夷船在洋。倏忽靡定。數千斤大礮。必須便於轉移。方能向賊船。

轟擊可否仰乞

聖恩。

敕下正黃旗漢軍都統於礮營內選擇二三千斤大礮二位。並挑選該旗礮營章京一員。諳練礮手兵六名。飭發來東。俾得依樣製造礮車。就近教練陸營兵丁。如蒙

俞允。臣即遣該參將尚五德赴京領運。至臣前奏編查各島戶口。預備內徙。並掘斷島上泉脈。以絕夷匪薪水。現已委員查明島戶。此內有人數較多之處。勢難一概遷徙。且如蓬萊縣之廟島長山。鼈磯等島。榮成縣之狸石二島。既為南北阨要。且又地面較寬。泉脈甚多。島民內徙。恐各島為賊占。

據仍被掘地取水。現擬以小島併入大島。擇大島中平力
強壯之人。給械訓練。臨時再行撥兵遣弁。使與島民協守。
以杜夷匪侵占擄掠。並訪求避礮之法。以麻袋貯沙土。間
段排列。築成沙堆。高過城垣。並於其間段空闊之處。安放
礮位。沙性軟而滑。賊礮雖猛。不能轟透。且我兵伏於堆後
放礮。則賊不能窺伺。以之護城。固屬良策。即以之防衛島
嶼口岸。均可不致為夷礮所傷。臣親於教場試驗。其法確
為礮丸所不能透。現已檄飭省西各屬。購買麻袋四萬條。
勒限運赴登州府。一面札行登萊青道王鎮。並遴選曉暢
營務之濟南城守營參將托金太。新任高唐營遊擊陶昇。

馳赴登州府。隨同登州鎮臣玉明相度布置。其沿海紮營之處。地勢寬狹不齊。不能排列沙堆。別令挑掘濠溝。約深丈餘。聞賊人開礮。我兵藏伏溝內。待其礮過。逼近內洋。出而攻擊。以我所長攻賊所短。務使夷礮無所用其力。庶幾進可以戰。退可以守。辰下北風嚴寒。各海口堅冰未解。該夷船雖未必遽敢北來。然乘此暇豫。必須趕緊籌備。臣仍密咨兗曹兩鎮。豫為挑選曉健弁兵。整備軍裝器械。俟探有粵浙兩省確信。如果事機稍緊。臣即親帶省西官兵。馳赴登州府督剿。

諭軍機大臣等。據托渾布奏。豫籌戰守事宜。擬添造大礮十餘位。

以資攻擊。並將小島併入大島。擇年力強壯之人。給械訓練。臨時再撥兵弁。協力防守。并相度形勢。排列沙堆。挑掘濠溝。豫選驍健弁兵。整備軍裝器械等情。尚屬周妥。均著照所議趕緊辦理。至請於正黃旗漢軍礮營。選擇大礮。并挑選章京一員。諳練礮手六名。飭發山東。俾資做造教練。著照所請。即令參將尚五德。赴京領運。以供備禦。

吏部尚書奕經奏。伏思喫夷猖獗。肆逆東南沿海地方。皇上命將出師。用彰

天討。殲除收復。剋期定奏膚功。竊以該夷狡詐性成。一經攻剿。勢

必竄颺。查各省海口。惟天津切近。

京師早經

聖明指示機宜。安置礮位。防備已極周密。第天津錦州一帶海口。皇上命均以旅順。隍城島。廟島。為門戶。不可不嚴加防禦。竊曾任盛京將軍。於該處海道情形。稍為知悉。敬為我

皇上陳之。查奉天地面。西南環海。旅順水師營。獨當其衝。面前南。北隍城二島。距該處水面一百八十里。奉天山東兩省。分轄會哨。此二島北與旅順鐵山對峙。南與登州廟島對峙。凡商船往來天津等處。必由諸島左右經過。實為南來海路要隘。即夷船駛至。亦必先入旅順。隍城諸島。然後西至直隸天津各口。北至奉天錦州各口。該處若預為把守。安